

**ACTA NÚM. 9/2019.**

**ACTA DA SESIÓN EXTRAORDINARIA CELEBRADA POLO PLENO DO CONCELLO DE BRIÓN O DÍA 27 DE XUÑO DE 2019.**

No salón de plenos da Casa do Concello de Brión, sendo as 13,00 horas do día 27 de xuño de 2019, reuníronse en primeira convocatoria os/as señores/as concelleiros/as de seguido relacionados, baixo a presidencia do Sr. Alcalde JOSÉ LUIS GARCÍA GARCÍA, co obxecto de celebrar sesión extraordinaria correspondente ao día da data para a que foron previamente citados.

ALCALDE:

JOSÉ LUIS GARCÍA GARCÍA.(PSG-PSOE)

CONCELLEIRAS/OS PRESENTES:

-. PSG-PSOE:

PABLO LAGO SANMARTÍN.

MARÍA ROSA ROMERO FARIÑA.

CARLOS NOYA PEREIRA.

MARÍA GUARINA REY VÁZQUEZ.

JOSÉ LUIS SAMPEDRO BOUZAS.

YOLANDA BOUZAS ALFONSÍN.

SANDY MARIE CEBRAL GÓMEZ.

-. PP:

MARÍA FARIÑA BELLÓN.

WALDO CARBALLO GARCÍA.

NATALIA FARIÑA GARCÍA.

-. BNG:

FRUCTUOSO SOUTO CASTIÑEIRA.

XOSÉ LUIS PENAS CORRAL.

Secretario: Javier Nieves González, secretario do Concello.

Asiste a interventora do Concello Beatriz López de Castro García.

Co quórum establecido polas disposicións legais vixentes para a válida constitución do Pleno, polo Sr. Alcalde declarouse público e aberto o acto, adoptándose os seguintes acordos:

---

1º) APROBACIÓN DA ACTA DA SESIÓN CONSTITUTIVA DO 15 DE XUÑO DE 2019.

2º) DACIÓN DE CONTA DA CONSTITUCIÓN DOS GRUPOS POLÍTICOS E DO NOMEAMENTO DE PORTAVOCES.

3º) APROBACIÓN DA PROPOSTA DA ALCALDÍA SOBRE PERIODICIDADE DAS SESIÓNS ORDINARIAS DO PLENO.

4º) APROBACIÓN DA PROPOSTA DA ALCALDÍA SOBRE CREACIÓN E COMPOSICIÓN DAS COMISSIONS INFORMATIVAS PERMANENTES.

5º) APROBACIÓN DA PROPOSTA DA ALCALDÍA SOBRE NOMEAMENTO DE REPRESENTANTES DO CONCELLO EN ÓRGANOS COLEXIADOS.

6º) DACIÓN DE CONTA DAS RESOLUCIÓNS DA ALCALDÍA EN MATERIA DE NOMEAMENTOS DE TENENTES DE ALCALDE, MEMBROS DA XUNTA DE GOBERNO

LOCAL, ASI COMO DAS DELEGACIÓNS DA ALCALDÍA NA XUNTA DE GOBERNO E XENÉRICAS.

7º) APROBACIÓN DA PROPOSTA DA ALCALDÍA SOBRE RÉXIME DE DEDICACIÓNS PARCIAIS E ASISTENCIAS A ÓRGANOS COLEXIADOS DO CONCELLO.

8º) APROBACIÓN DA PROPOSTA DA ALCALDÍA SOBRE DELEGACIÓN DE COMPETENCIAS DO PLENO NA XUNTA DE GOBERNO LOCAL.

9º) APROBACIÓN DA PROPOSTA DA ALCALDÍA SOBRE A DETERMINACIÓN DO NÚMERO, CARACTERÍSTICAS E RETRIBUCIÓNS DO PERSOAL EVENTUAL.

10º) APROBACIÓN DA PROPOSTA DA ALCALDÍA SOBRE MODIFICACIÓN DA TAXA DE SANEAMENTO E DEPURACIÓN DE AUGAS RESIDUAIS.

---

### **1º) APROBACIÓN DA ACTA DA SESIÓN CONSTITUTIVA DO 15 DE XUÑO DE 2019.**

De conformidade co artigo 91 do Regulamento de organización, funcionamento e réxime xurídico das corporacións locais, preguntouse se algún membro do Pleno tiña que formular algunha observación ou reparo á acta da sesión do 15 de xuño de 2019.

Sometida a votación, o Pleno do Concello por unanimidade dos trece membros presentes que legalmente o compoñen acorda aprobala.

### **2º) DACIÓN DE CONTA DA CONSTITUCIÓN DOS GRUPOS POLÍTICOS E DO NOMEAMENTO DE PORTAVOCES.**

Por secretaría, de orde do Sr. Alcalde, deuse lectura aos escritos de constitución dos grupos políticos municipais, quedando formados do seguinte xeito:

**1) GRUPO DO PARTIDO DOS SOCIALISTAS DE GALICIA - PARTIDO SOCIALISTA OBRERO ESPAÑOL:** JOSÉ LUIS GARCÍA GARCÍA; PABLO LAGO SANMARTÍN; MARÍA ROSA ROMERO FARIÑA; CARLOS NOYA PEREIRA; MARÍA GUARINA REY VÁZQUEZ; JOSÉ LUIS SAMPEDRO BOUZAS; YOLANDA BOUZAS ALFONSÍN e SANDY MARIE CEBRAL GÓMEZ.

VOCEIRO TITULAR: JOSÉ LUIS GARCÍA GARCÍA.

VOCEIRA SUPLENTE: SANDY MARIE CEBRAL GÓMEZ.

**2) GRUPO DO PARTIDO POPULAR:** MARÍA FARIÑA BELLÓN; WALDO CARBALLO GARCÍA; e NATALIA FARIÑA GARCÍA.

VOCEIRA TITULAR: MARÍA FARIÑA BELLÓN.

VOCEIRO SUPLENTE: WALDO CARBALLO GARCÍA

**3) GRUPO DO BLOQUE NACIONALISTA GALEGO:** FRUCTUOSO SOUTO CASTIÑEIRA; e XOSÉ LUIS PENAS CORRAL.

VOCEIRO TITULAR: FRUCTUOSO SOUTO CASTIÑEIRA.

VOCEIRO SUPLENTE: XOSÉ LUIS PENAS CORRAL.

O Pleno queda enterado.

### **3º) APROBACIÓN DA PROPOSTA DA ALCALDÍA SOBRE PERIODICIDADE DAS SESIÓNS ORDINARIAS DO PLENO.**

Dada conta da proposta da alcaldía do 20.06.2019, que transcrita di:

Visto que o artigo 46.2.a. da Lei 7/1985, do 2 de abril, reguladora das bases de réxime local (LBRL), ordena que o Pleno dos concellos cunha poboación entre 5.001 habitantes e 20.000 habitantes celebren sesión ordinaria como mínimo cada dous meses e que, por outra banda, o artigo 3 do Regulamento orgánico do Concello de Brión, concordante co artigo 38 do Regulamento de organización, funcionamento e réxime xurídico das entidades locais, aprobado por Real decreto 2568/1986, do 28 de novembro (ROF), atribúelle ao Pleno a decisión sobre o réxime de sesións do Pleno, que xa se atopa establecido nese artigo do regulamento orgánico, e non considerándose necesario por esta alcaldía facer ningunha modificación, propoño ao Pleno a adopción do seguinte acordo:

**1º)** O Pleno celebrará sesión ordinaria cada dous meses, o terceiro mércores dos meses pares (febreiro, abril, xuño, agosto, outubro e decembro) ás 13 horas. O Pleno correspondente ao mes de agosto trasladarase ao primeiro mércores do mes de setembro. En casos excepcionais e debidamente xustificadas poderá adiantarse ou retrasarse pola Alcaldía a celebración do Pleno ordinario un máximo dunha semana, debendo en todo caso o Pleno como primeiro punto da orde do día ratificar a decreto da Alcaldía de cambio do día de celebración. No caso de coincidir en festivo trasladarase ao día inmediato hábil posterior.

Debate:

O Sr. Concelleiro Souto Castiñeira sinala que vanse abster porque ese horario non facilita a asistencia dos veciños.

A Srª. Concelleira Fariña Bellón sinala que comparte o dito polo Sr. Souto Castiñeira.

Votación e resultado:

Sometida a votación a proposta, dáse o seguinte resultado:

Votos a favor: 8, pertencentes ao grupo municipal do PSG-PSOE (8).

Votos en contra: 0.

Abstencións: 5, pertencentes aos grupos municipais do PP (3) e BNG (2).

Queda aprobada a proposta nos seus propios termos.

### **4º) APROBACIÓN DA PROPOSTA DA ALCALDÍA SOBRE CREACIÓN E COMPOSICIÓN DAS COMISIÓNS INFORMATIVAS PERMANENTES.**

Dada conta da proposta da alcaldía do 20.06.2019, que transcrita di:

Constituída a nova Corporación, en sesión celebrada o día 15.06.2019, como consecuencia das eleccións locais celebradas o 26.05.2019, de conformidade co disposto no art. 38 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (en adiante ROF), se estima procedente a constitución, determinación da composición e réxime de funcionamento das Comisións Informativas de carácter permanente deste Concello, ao seren preceptivas segundo o disposto no art. 20.1. c) da Lei 7/1985, de 2 de abril, reguladora das bases de réxime local (en adiante LBRL).

A súa función consiste no estudo, informe ou consulta dos asuntos que teñen que ser sometidos á decisión do Pleno, así como o seguimento da xestión do alcalde, a Xunta de

Goberno Local e os/as concelleiros/as que ostenten delegacións, sen prexuízo das competencias de control que corresponden ao Pleno.

Será preceptivo o seu ditame cando a Xunta de Goberno Local actúe con competencias delegadas polo Pleno, agás cando teñan que adoptarse acordos declarados urxentes.

Así mesmo, emitirán ditame sobre aqueles asuntos da competencia da Xunta de Goberno Local e do alcalde que lles sexan sometidos ao seu coñecemento por expresa decisión de aqueles.

De conformidade co disposto no art. 124.2 en relación co art. 125, ambos do ROF, corresponde ao Pleno, a proposta do alcalde, a determinación do seu número e denominación iniciais, procurando que a súa composición se acomode á proporcionalidade existente entre os distintos grupos políticos representados no Concello.

Segundo o art. 20.1.c) da LBRL todos os grupos políticos integrantes da Corporación terán dereito a participar en ditos órganos, mediante a presenza de concelleiros/as pertencentes aos mesmos en proporción ao número de concelleiros/as que teñan no Pleno.

Por todo o anterior, de conformidade co disposto no art. 38 en relación cos artigos 123 a 127 e 134 a 138 do ROF, por esta alcaldía propónse ao Pleno a adopción do seguinte acordo:

**1º)** Constituír as Comisións Informativas de carácter permanente que se relacionan, coa seguinte denominación:

1. Comisión Informativa Especial de Contas, que actuará como permanente de Facenda.
2. Comisión Informativa de Servizos.

**2º)** As Comisións Informativas estarán integradas polos seguintes membros:

**1-. Comisión Informativa Especial de Contas**, por un total de 6 membros: - **4 representantes do grupo municipal do PSG-PSOE:**

Presidente: José Luis García García.

Membros titulares: José Luis Sampedro Bouzas, Pablo Lago Sanmartín e María Guarina Rey Vázquez.

Membros suplentes: Sandy Marie Cebal Gómez e Carlos Noya Pereira.

- **1 representante do grupo municipal do PP:** A designar.

- **1 representante do grupo municipal do BNG:** A designar.

**2-. Comisión Informativa de Servizos**, por un total de 6 membros:

- **4 representantes do grupo municipal do PSG-PSOE:**

Presidente: José Luis García García.

Membros titulares: José Luis Sampedro Bouzas, María Guarina Rey Vázquez e Carlos Noya Pereira.

Membros suplentes: Sandy Marie Cebal Gómez e Pablo Lago Sanmartín.

- **1 representante do grupo municipal do PP:** A designar.

- **1 representante do grupo municipal do BNG:** A designar.

A adscrición concreta a cada comisión dos membros da Corporación que deban formar parte da mesma en representación de cada grupo, se realizará mediante escrito do seu portavoz dirixido ao alcalde, do que se dará conta ao Pleno, podendo designarse un suplente por cada titular.

**3º)** Todas as Comisións Informativas estarán presididas polo alcalde, quen poderá delegala en calquera membro da Corporación, a proposta da propia comisión, tras a correspondente elección efectuada no seu seno.

**4º)** As Comisións Informativas permanentes axustarán o seu funcionamento ao disposto nos artigos 123 a 126 e 134 a 138 do ROF e no regulamento orgánico municipal.

Debate: Non se produciu.

Votación e resultado:

Sometida a votación a proposta, dáse o seguinte resultado:

Votos a favor: 13, pertencentes aos grupos municipais do PSG-PSOE (8), PP (3) e BNG (2).

Votos en contra: 0.

Abstencións: 0.

Queda aprobada a proposta nos seus propios termos.

#### **5º) APROBACIÓN DA PROPOSTA DA ALCALDÍA SOBRE NOMEAMENTO DE REPRESENTANTES DO CONCELLO EN ÓRGANOS COLEXIADOS.**

Dada conta da proposta da alcaldía do 20.06.2019, que transcrita di:

Para dar cumprimento ao disposto no art. 38 c) do RD 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais (en adiante ROF), se procede a realizar o nomeamento dos representantes deste Concello nos órganos colexiados que sexan da competencia do Pleno.

Por esta alcaldía proponse:

**1º)** Nomear aos seguintes representantes:

1. MANCOMUNIDADE DE CONCELLOS SERRA DO BARBANZA.

1.1. Asamblea:

- José Luis García García, alcalde do Concello.
- Un representante do grupo municipal do PSG-PSOE: Carlos Noya Pereira.
- Un representante do grupo municipal do PP: A designar polo grupo.
- Un representante do grupo municipal do BNG: A designar polo grupo.

1.2. Xunta da Mancomunidad:

- José Luis García García, alcalde do Concello.

-. Un concelleiro do grupo municipal do PSG-PSOE: Carlos Noya Pereira, en representación do grupo PSG-PSOE da Mancomunidade.

2. MANCOMUNIDADE DE SANTIAGO:

-. José Luis García García, alcalde do Concello.

3. CONSORCIO GALEGO DE SERVIZOS DE IGUALDADE E BENESTAR:

Titular: José Luis García García, alcalde do Concello.

Suplente: María Rosa Romero Fariña.

4. CONSELLOS ESCOLARES DO IES DE BRIÓN, DO CEIP DE PEDROUZOS, DA ESCOLA DE OS ÁNXELES, DA ESCOLA DE BASTAVALES E DA ESCOLA DE LUAÑA: Sandy Marie Cebra Gómez.

5. FONDO GALEGO DE COOPERACIÓN E SOLIDARIEDADE:

Representante de carácter político: Yolanda Bouzas Alfonsín.

Representante de carácter técnico: María Victoria Varela Rodríguez, traballadora social.

6. GDR 19 ASOCIACIÓN TERRAS DE COMPOSTELA:

Titular: José Luis García García, alcalde do Concello.

Suplente: Yolanda Bouzas Alfonsín.

A designación dos membros de órganos colexiados polos grupos políticos, cando proceda, realizarase mediante escrito do voceiro de cada grupo político dirixido ao alcalde.

**2º)** Notificar este acordo aos concelleiros designados para os efectos da aceptación dos nomeamentos conferidos que, en todo caso, se entenderán aceptados tacitamente se no prazo de tres días hábiles contados desde o seguinte ao de notificación non realizan manifestación expresa en contrario.

**3º)** Dar conta deste acordo ás administracións e entidades de cuxos órganos colexiados forma parte o Concello.

Debate: Non se produciu.

Votación e resultado:

Sometida a votación a proposta, dáse o seguinte resultado:

Votos a favor: 13, pertencentes aos grupos municipais do PSG-PSOE (8), PP (3) e BNG (2).

Votos en contra: 0.

Abstencións: 0.

Queda aprobada a proposta nos seus propios termos.

**6º) DACIÓN DE CONTA DAS RESOLUCIÓNS DA ALCALDÍA EN MATERIA DE NOMEAMENTOS DE TENENTES DE ALCALDE, MEMBROS DA XUNTA DE GOBERNO LOCAL, ASI COMO DAS DELEGACIÓNS DA ALCALDÍA NA XUNTA DE GOBERNO E XENÉRICAS.**

Dada conta da resolución da alcaldía do 20.06.2019, que transcrita di:

Visto que o 15 de xuño de 2019 se constituíu a corporación municipal do Concello de Brión.

Considerando que, de conformidade co disposto nos artigos 20.1.b da Lei 7/1985, do 2 de abril, reguladora das bases de réxime local (en adiante LBRL) e 59.2.b. da Lei 5/1997, do 22 de xullo, de administración local de Galicia, neste Concello debe existir por imperativo legal unha Xunta de Goberno Local por ter unha poboación de dereito superior a cinco mil habitantes.

Considerando o establecido no art. 23 da LBRL e nos artigos 43, 46, e 52 do RD 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais (en adiante ROF), ao abeiro das competencias desta alcaldía, resolvo:

**1º)** Designar como membros da Xunta de Goberno Local aos seguintes concelleiros:

- Pablo Lago Sanmartín.
- Carlos Noya Pereira.
- María Rosa Romero Fariña.
- Sandy Marie Cebral Gómez.

**2º)** Nomear tenentes de alcalde do Concello de Brión a:

- Primeiro: Pablo Lago Sanmartín.
- Segundo: Carlos Noya Pereira.
- Terceiro: Sandy Marie Cebral Gómez.
- Cuarto: María Rosa Romero Fariña.

Os tenentes de alcalde, pola orde do seu nomeamento, substituirán ao alcalde na totalidade das súas funcións nos casos de ausencia, enfermidade, vacante ou impedimento que o imposibilite para o exercicio das súas funcións, de conformidade co previsto nos artigos 46, 47 e 48 do ROF.

**3º)** A Xunta de Goberno Local constituirase nos dez días seguintes á data desta resolución e celebrará as súas sesións ordinarias todos os martes, a contar desde a data da súa constitución, ás 14:00 horas, agás que por causas xustificadas se adiantase ou atrasase a hora pola alcaldía. No caso de coincidir en festivo trasladarase ao día inmediato hábil posterior.

**4º)** Delegar na Xunta de Goberno Local as seguintes competencias da alcaldía:

- O outorgamento das licenzas e comunicacións previas, agás que as leis sectoriais o atribúan expresamente ao Pleno ou á Xunta de Goberno Local.
- As aprobacións dos instrumentos de planeamento de desenvolvemento do planeamento xeral non expresamente atribuídas ao Pleno, así como a dos instrumentos de xestión urbanística e dos proxectos de urbanización.
- A aprobación das liquidacións tributarias devengadas pola tramitación de licenzas e comunicacións previas.

Darase conta da presente resolución á Xunta de Goberno Local na súa sesión constitutiva para os efectos da aceptación das competencias delegadas.

**5º)** Notificar esta resolución aos concelleiros designados, publicala no BOP da Coruña e dar conta ao Pleno na primeira sesión que celebre.

E dada conta igualmente da resolución da alcaldía do 20.06.2019, complementada por resolución do 26.06.2019, que transcrita di:

Visto que o 15 de xuño de 2019 se constituíu a corporación municipal do Concello de Brión.

Considerando que, de acordo co previsto no art. 21.3 da Lei 7/1985, do 2 de abril, reguladora das bases do réxime local (en adiante LBRL) “o alcalde pode delegar o exercicio das súas atribucións (...)” e que consonte ao art. 23.4 da LBRL “o alcalde pode delegar o exercicio de determinadas atribucións nos membros da Xunta de Goberno Local e, onde esta non exista, nos tenentes de alcalde, sen prexuízo das delegacións especiais que, para cometidos específicos, poida realizar en favor de calquera concelleiro, aínda que non pertenceran a aquela”.

Considerando o disposto nos artigos 43 e 44 e na Disposición Adicional 4ª do RD 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais (ROF), ao abeiro das competencias desta alcaldía, resolvo:

**1º)** Conferir delegacións xenéricas de servizos nas persoas que se indican, que comprenderá a dirección interna e a xestión dos servizos correspondentes, sen a facultade de ditar actos administrativos que afecten a terceiros:

1. Urbanismo, Mantemento e Control de Servizos Básicos. Réxime Interior e Persoal: Pablo Lago Sanmartín.
2. Política Social, Servizos Sociais, Igualdade e Maiores: María Rosa Romero Fariña.
3. Medio Rural, Limpeza Pública e Obras Públicas: Carlos Noya Pereira.
4. Seguridade Cidadá, Policía Municipal e Protección Civil e Festas: José Luis Sampedro Bouzas.
5. Biblioteca, Turismo e Patrimonio: Yolanda Bouzas Alfonsín.
6. Cultura, Deportes, Actividades Extraescolares e Música: Sandy Marie Cebal Gómez.
7. Novas Tecnoloxías, Promoción Económica e Emprego: María Guarina Rey Vázquez.

**2º)** Notificar esta resolución aos concelleiros designados, entendéndose tacitamente aceptadas as delegacións agás manifestación expresa en contrario no prazo de tres día hábiles.

**3º)** Dispor a publicación desta resolución no BOP da Coruña e dar conta ao Pleno na primeira sesión que celebre.

O Pleno queda enterado.

#### **7º) APROBACIÓN DA PROPOSTA DA ALCALDÍA SOBRE RÉXIME DE DEDICACIÓNS PARCIAIS E ASISTENCIAS A ÓRGANOS COLEXIADOS DO CONCELLO.**

Dada conta da proposta da alcaldía do 24.06.2019, que transcrita di:

Constituída a nova Corporación con data 15.06.2019, como consecuencia das eleccións locais do 26.05.2019, procede a adopción de acordos sobre retribucións por dedicacións exclusivas e parciais e asistencia a órganos colexiados.

Esta alcaldía non terá dedicación exclusiva polo que soamente percibirá as indemnizacións por asistencia aos órganos colexiados.



O volume de servizos, actividades e expedientes de diversa natureza deste Concello fan necesario, para o seu adecuado seguimento e atención específica, que diversos membros do equipo de goberno desempeñen o seu cargo en réxime de dedicación parcial.

Considerando que de conformidade co disposto polo artigo 75 da Lei 7/1985, de 2 de abril, reguladora das bases de réxime local, os membros das corporacións locais teñen dereito a percibir retribucións polo exercicio do seu cargo cando o desempeñen en réxime de dedicación exclusiva ou parcial.

Entendo que os cargos de Concelleiro/a responsable das áreas de:

1. Urbanismo, Mantemento e Control de Servizos Básicos. Réxime Interior e Persoal: Pablo Lago Sanmartín.
2. Medio Rural, Limpeza Pública e Obras Públicas: Carlos Noya Pereira.
3. Biblioteca, Turismo e Patrimonio: Yolanda Bouzas Alfonsín.
4. Cultura, Deportes, Actividades Extraescolares e Música: Sandy Marie Cebral Gómez; esixen un réxime de dedicacións e responsabilidade especial, e polo que se fai necesario establecer catro dedicacións parciais.

Visto os informes de secretaría e de intervención, propono ao Pleno a adopción do seguinte acordo:

**1º)** Establecer o réxime de dedicación parcial para o desempeño dos seguintes cargos:

1. Concelleiro/a responsable das áreas de Urbanismo, Mantemento e Control de Servizos Básicos. Réxime Interior e Persoal.
2. Concelleiro/a responsable das áreas de Medio Rural, Limpeza Pública e Obras Públicas
3. Concelleiro/a responsable das áreas de Biblioteca, Turismo e Patrimonio
4. Concelleiro/a responsable das áreas de Cultura, Deportes, Actividades Extraescolares e Música.

**2º)** Aprobar o réxime retributivo dos seguintes cargos:

<b>Cargos</b>	<b>Importe bruto anual(14 mensualidades)</b>	<b>Importe bruto mensual</b>	<b>Grao de responsabilidade</b>
Concelleiro/a responsable das áreas de Urbanismo, Mantemento e Control de Servizos Básicos. Réxime Interior e Persoal.	9.100,00 €	650,00 €	Dedicación parcial (20 horas semanais)
Concelleiro/a responsable das áreas de Medio Rural, Limpeza Pública e Obras Públicas	9.100,00€	650,00€	Dedicación parcial (20 horas semanais)
Concelleiro/a responsable das áreas de Biblioteca, Turismo e Patrimonio	9.100,00€	650,00€	Dedicación parcial (20 horas semanais)
Concelleiro/a responsable das áreas de Cultura, Deportes, Actividades Extraescolares e Música	9.100,00€	650,00€	Dedicación parcial (20 horas semanais)

Para elo fíxase un tempo mínimo de dedicación que será de 20 horas semanais, o desempeño das funcións realizarase tanto dentro do Concello como fora do mesmo, entendendo que no tempo de dedicación establecido se inclúen as actuacións dentro e fora do término municipal, sempre que se trate actuacións necesarias de representación e defensa dos intereses do Concello.

As retribucións percibiranse en catorce pagas, doce correspondentes ás diferentes mensualidades do ano e as dúas restantes correspondentes ás mensualidades de xuño e decembro, e levan aparelado os custes sociais correspondentes.

Os/as Concelleiros/as responsables das áreas sinaladas percibirán as retribucións establecidas con efectos do día en que se acepte o réxime de dedicación, data na que se darán de alta na Seguridade Social.

**3º)** Aprobar os seguintes importes por asistencia ás sesións do Pleno, Xunta de Goberno e das Comisións Informativas:

- Asistencia a Plenos, Xuntas de Goberno e Comisións informativas: 100,00 € por cada asistencia efectiva.

**4º)** Aprobar inicialmente o expediente de modificación da base de execución do orzamento número 68, para adaptala ao novo réxime retributivo acordado e que queda redactada nos seguintes termos:

#### BASE 68ª RETRIBUCIÓN E INDEMNIZACIÓN DOS MEMBROS DA CORPORACIÓN

1. Aqueles membros da Corporación que desenvolvan as súas actividades en réxime de dedicación exclusiva ou parcial percibirán as retribucións brutas que se acorden polo Pleno da Corporación, sen prexuízo de ser indemnizados polos gastos ocasionados polo exercicio do cargo. Se establece o seguinte réxime de retribucións:

O importe das retribucións brutas será o seguinte:

<b>Cargos</b>	<b>Importe bruto anual(14 mensualidades)</b>	<b>Importe bruto mensual</b>	<b>Grao de responsabilidade</b>
Concelleiro/a responsable das áreas de Urbanismo, Mantemento e Control de Servizos Básicos. Réxime Interior e Persoal.	9.100,00 €	650,00 €	Dedicación parcial (20 horas semanais)
Concelleiro/a responsable das áreas de Medio Rural, Limpeza Pública e Obras Públicas	9.100,00€	650,00€	Dedicación parcial (20 horas semanais)
Concelleiro/a responsable das áreas de Biblioteca, Turismo e Patrimonio	9.100,00€	650,00€	Dedicación parcial (20 horas semanais)
Concelleiro/a responsable das áreas de Cultura, Deportes, Actividades Extraescolares e Música	9.100,00€	650,00€	Dedicación parcial (20 horas semanais)

As retribucións percibiranse en catorce pagas, doce correspondentes ás diferentes mensualidades do ano e as dúas restantes correspondentes ás mensualidades de xuño e decembro, e levan aparelado os custes sociais correspondentes.

2. Os gastos de locomoción que se produzan como consecuencia de desprazamentos por comisión de servizos ou xestións oficiais dispostas pola Corporación, polo Alcalde ou por outros órganos competentes serán indemnizadas polo importe do billete ou pasaxe utilizado previa a presentación dos correspondentes xustificantes. A indemnización que se percibirá como gasto de viaxe polo uso do vehículo particular será de 0,19 euros por quilómetro recorrido.

3. Os membros da Corporación terán dereito a ser indemnizados mediante dietas polo importe establecido para o Grupo I no Real Decreto 462/2002, de 24 de maio.

4. No que se refire a indemnizacións, os membros da Corporación que non desempeñen cargos en réxime de dedicación exclusiva nin dedicación parcial percibirán, pola concorrencia efectiva ás sesións dos órganos colexiados dos que formen parte, as asistencias que se indican de seguido:

-. Asistencia a Plenos, Xuntas de Goberno e Comisións informativas: 100,00 € por cada asistencia efectiva.

En caso de que nun mesmo día se celebren dúas ou máis sesións, só se recoñecerá a obriga ó pago do importe correspondente a unha única sesión, a de maior importe. No obstante si estas tivesen lugar en horario de mañá e máis en horario de tarde, recoñecerase a obriga de pago por cada unha das sesións.

Aos efectos de xustificar o dereito ao cobro das indemnizacións, por asistencias ás sesión do Pleno, Xunta de Goberno e Comisións, polos membros da corporación, por parte da secretaría do Concello emitirase un certificado por cada sesión celebrada no que deberase acreditar a asistencia ou non ás mesmas.

Debate:

O Sr. Alcalde sinala que estas dedicacións non alcanzan o 50% do máximo permitido e supoñen un aforro anual de 20.000 euros con respecto ao mandato anterior e igualmente hai que sinalar o feito de que o alcalde non ten dedicación.

Votación e resultado:

Sometida a votación a proposta, dáse o seguinte resultado:

Votos a favor: 8, pertencentes ao grupo municipal do PSG-PSOE (8).

Votos en contra: 0.

Abstencións: 5, pertencentes aos grupos municipais do PP (3) e BNG (2).

Queda aprobada a proposta nos seus propios termos.

## **8º) APROBACIÓN DA PROPOSTA DA ALCALDÍA SOBRE DELEGACIÓN DE COMPETENCIAS DO PLENO NA XUNTA DE GOBERNO LOCAL.**

Dada conta da proposta da alcaldía do 20.06.2019, que transcrita di:

De conformidade co sinalado no artigo 9 da Lei 40/2015, do 1 de outubro, de réxime xurídico do sector público, os órganos das diferentes administracións públicas poderán delegar o exercicio das competencias que teñan atribuídas noutros órganos da mesma administración, aínda que non sexan xerarquicamente dependentes.

Visto o art. 64.5 da Lei 5/1997, do 22 de xullo, de administración local de Galicia, así como o art. 22.4 da Lei 7/85, de 2 de abril, reguladora das bases do réxime local, relativo á delegación de atribucións do Pleno na alcaldía e na Xunta de Goberno Local, esta alcaldía en

aras do interese público, co fin de axilizar na medida do posible as xestións dos asuntos municipais, propón ao Pleno a adopción do seguinte acordo:

**1º)** Delegar na Xunta de Goberno Local as seguintes competencias do Pleno:

1. O exercicio de accións xudiciais e administrativas e a defensa da corporación en materias de competencia plenaria.

2. A declaración de lesividade dos actos do Concello.

3. A concertación das operacións de crédito cuxa contía acumulada, dentro de cada exercicio económico, exceda do 10 por cento dos recursos ordinarios do orzamento agás as de tesourería, que lle corresponderán cando o importe acumulado das operacións vivas en cada momento supere o 15 por cento dos ingresos correntes liquidados no exercicio anterior todo elo de conformidade co disposto na Lei reguladora das facendas locais.

4. As competencias como órgano de contratación respecto dos contratos mencionados no apartado 1 da Disposición Adicional 2ª da Lei 9/2017, do 8 de novembro, de contratos do sector público, que celebre o Concello, cando polo seu valor ou duración non correspondan ao alcalde, conforme ao apartado 1 da Disposición Adicional 2ª.

5. As competencias para celebrar contratos privados, a adxudicación de concesións sobre os bens da Corporación e a adquisición de bens inmobles e dereitos suxeitos á lexislación patrimonial así como a enaxenación do patrimonio cando non estean atribuídas ao alcalde conforme ao disposto no apartado 9 da Disposición Adicional 2ª da Lei 9/2017, do 8 de novembro, de contratos do sector público, e dos bens declarados de valor histórico ou artístico calquera que sexa o seu valor.

6. A aprobación dos proxectos de obras e servizos cando sexa competente para a súa contratación ou concesión, e cando aínda non estean previstos nos orzamentos.

7. O establecemento e modificación dos prezos públicos. (art. 47 do RDL 2/2004, do 5 de marzo, polo que se aproba o texto refundido da Lei reguladora das facendas locais).

8. As demais competencias que expresamente lle confiran as leis (art. 22.2.q. da Lei 7/85)

Consonte ao disposto polo art. 123.1 do ROF, as comisións informativas ditaminarán previamente os asuntos que se sometan á decisión da Xunta de Goberno Local en exercicio das competencias delegadas polo Pleno, agás que se trate de asuntos declarados urxentes.

**2º)** A delegación comprende tanto as facultades de dirección e xestión como a de resolución mediante actos administrativos que afecten a terceiros. Exclúense da presente delegación as competencias relacionadas no artigo 47.2 da Lei 7/1985 do 2 de abril, reguladora das bases do réxime local. Os actos ditados pola Xunta de Goberno Local no exercicio das competencias delegadas polo Pleno enténdense ditados polo órgano delegante, ao que lle corresponderá, en consecuencia, a resolución dos recursos de reposición que poidan interpoñerse.

**3º)** Este acordo producirá efectos desde o día seguinte ao da súa adopción, sen prexuízo da súa publicación no BOP da Coruña e no taboleiro de edictos do Concello, de conformidade co previsto no art. 51 ROF, e artigo 9 da Lei 40/2015, do 1 de outubro, de réxime xurídico do sector público.

**4º)** Dar conta deste acordo á Xunta de Goberno Local para os efectos da aceptación das competencias delegadas.

Debate: Non se produciu.

Votación e resultado:

Sometida a votación a proposta, dáse o seguinte resultado:

Votos a favor: 13, pertencentes aos grupos municipais do PSG-PSOE (8), PP (3) e BNG (2).

Votos en contra: 0.

Abstencións: 0.

Queda aprobada a proposta nos seus propios termos.

### **9º) APROBACIÓN DA PROPOSTA DA ALCALDÍA SOBRE A DETERMINACIÓN DO NÚMERO, CARACTERÍSTICAS E RETRIBUCIÓNS DO PERSOAL EVENTUAL.**

Dada conta da proposta da alcaldía do 20.06.2019, que transcrita di:

Sendo preciso contar cos servizos de persoal eventual para o desempeño de funcións de confianza ou asesoramento especial, e de conformidade co establecido nos artigos 89,104 e 104 bis da Lei 7/1985, de 2 de abril, reguladora das bases de réxime local, no artigo 250 da Lei 5/1997, do 22 de xullo, de administración local de Galicia, no artigo 12 do RDL 5/2015, de 30 de outubro, polo que se aproba o texto refundido da Lei do estatuto básico do empregado público e nos artigos 20.2.d), 29 a 31 e 201 da Lei 2/2015, do 29 de abril, de emprego público de Galicia, propoño ao Pleno a adopción do seguinte acordo:

**1º)** O número, características e retribucións do persoal eventual do Concello de Brión será o seguinte:

Número: Unha persoa.

Características: Auxiliar administrativo con dedicación exclusiva, equiparado ao grupo C2, nivel complemento destino:16. Retribucións brutas anuais posto: 18.200,00 euros.

Poderá asignarse ao persoal eventual o complemento de produtividade nas condicións en que estea autorizada a súa aplicación na normativa de xeral aplicación e nas que se determinen nos acordos correspondentes.

A persoa designada percibirá as retribucións asignadas cando se dean as tres condicións seguintes: se produza o seu nomeamento formal por resolución da alcaldía, se acredite polo nomeado que reúne as condicións de capacidade e compatibilidade para o desempeño e se dea a aceptación expresa do cargo polo nomeado, o que suporá o inicio das actividades encomendadas pola alcaldía nas que se fundamentan as retribucións correspondentes.

Na resolución de nomeamento indícarase de forma xeral o contido das funcións, tarefas ou cometidos encomendados propios dos servizos xerais da Corporación municipal para a súa posterior inclusión na plantilla de persoal do Concello. No referente ao cumprimento da xornada laboral e réxime de licenzas e permisos deste persoal eventual será a alcaldía o responsable da súa autorización e xustificación no sistema de control de presenza.

**2º)** As retribucións expresadas actualizaranse anualmente nos mesmos termos que se determine para os postos de traballo de persoal funcionario, consonte coas previsións xenéricas que se establezan nos orzamentos xerais do Estado.

**3º)** Publicar o presente acordo na forma establecida no apartado 5 do artigo 104.bis da Lei reguladora das bases de réxime local e no portal de transparencia do Concello, de conformidade co establecido no artigo 8.1.f. da Lei 19/2013, do 9 de decembro, de transparencia, acceso á información pública e bo goberno.

**4º)** O nomeamento do funcionario de emprego, as súas retribucións e o seu réxime de dedicación será obxecto da publicidade indicada no parágrafo anterior.

Debate:

O Sr. Alcalde sinala que o dito antes sobre o aforro de 20.000 euros ao ano é con esta persoa incluída.

Votación e resultado:

Sometida a votación a proposta, dáse o seguinte resultado:

Votos a favor: 13, pertencentes aos grupos municipais do PSG-PSOE (8), PP (3) e BNG (2).

Votos en contra: 0.

Abstencións: 0.

Queda aprobada a proposta nos seus propios termos.

### **10º) APROBACIÓN DA PROPOSTA DA ALCALDÍA SOBRE MODIFICACIÓN DA TAXA DE SANEAMENTO E DEPURACIÓN DE AUGAS RESIDUAIS.**

Dada conta da proposta da alcaldía do 03.06.2019, que transcrita di:

Visto o expediente tramitado polo Concello para a modificación da ordenanza fiscal núm. 19 T reguladora da taxa de saneamento e depuración de augas residuais, motivado pola necesidade de actualizar as tarifas existentes, segundo o contrato asinado con data 10 de abril de 2012, que se actualizarán consonte co disposto no art. 90.3 do RDL 3/2011, de 14 de novembro, polo que se aproba o texto refundido da Lei de contratos do sector público, polo importe do 85% da variación experimentada polo Índice de Prezos de Consumo elaborado polo Instituto Nacional de Estatística, de abril de 2018 a abril de 2019, que é do 1,50%, polo que a actualización das tarifas será polo 1.28 %.

Visto o informe de intervención, propoño ao Pleno a adopción do seguinte acordo:

1º) Aprobar provisionalmente a modificación da vixente ordenanza fiscal núm. 19 T reguladora da taxa de saneamento e depuración de augas residuais, publicada no BOP da Coruña núm. 66, do 23.03.2009, modificada por acordos plenarios publicados no BOP do 13.12.2010, 22.12.2011, 12.08.2013, 11.08.2014, 24.09.2015, 03.08.2016, 16.08.2017 e 16.08.2018, nos seguintes termos:

**1.1 -.** Modifícanse as tarifas 1 a 5 do art. 5: Cota Tributaria, que pasan a ter a seguinte redacción:

#### **TARIFA 1. VIVENDAS**

Por cada m <sup>3</sup> facturado en abastecemento	Tarifa
Servizo de saneamento	0,099056 € / m <sup>3</sup>
Servizo de depuración	0,213751 € / m <sup>3</sup>

## TARIFA 2. FINCAS E LOCAIS NON DEDICADOS EXCLUSIVAMENTE A VIVENDAS

Por cada m <sup>3</sup> facturado en abastecemento	Tarifa
Servizo de saneamento	0,099056 € / m <sup>3</sup>
Servizo de depuración	0,213751 € / m <sup>3</sup>

## TARIFA 3. USUARIOS NON DOTADOS CON AUGA DO ABASTECIMIENTO MUNICIPAL

Cota mensual fixa	Tarifa
Saneamento	0,990580 €/abo. Mes
Depuración	2,137519 €/abo. Mes

## TARIFA 4. INDUSTRIAS NON DOTADAS CON AUGA DO ABASTECIMIENTO MUNICIPAL, OU QUE UTILICEN XUNTO CA AUGA DA REDE OUTRA DE DISTINTA PROCEDENCIA

Instalarán ao seu cargo sistemas de medida do caudal para determinación da cantidade a facturar. No caso de acordo entre o abonado e concesionario poderáselle practicar un aforo que servirá de base para a facturación. As tarifas a aplicar serán as seguintes:

Por cada m <sup>3</sup> medido ou aforado	Tarifa
Servizo de saneamento	0,099056€/abo. Mes
Servizo de depuración	0,213751 €/abo. Mes

## TARIFA 5. ACOMETIDAS.

Prezos para a acometida de auga residual formada por arqueta de saída, tubería de P.V.C., Ø 160 -200 mm./5 atm., incluída excavación, recheo, demolición e reposición de firme no seu caso, así como conexión a pozo o colector existente con kit especial de estanqueidade, para unha profundidade máxima de 1,50 m., e para unha lonxitude máxima de 5 m.

	<b>Tarifa</b>
Zanxa en terra	365,37 €/ud
Zanxa en asfalto	407,85 €/ud
Zanxa en baldosa-beirarrúa.	458,20 €/ud

Todos os prezos anteriores veranse gravados co IVE correspondente.

A presente modificación entrará en vigor unha vez publicada definitivamente no Boletín Oficial da Provincia de conformidade co artigo 17 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, permanecendo en vigor ata a súa modificación ou derogación expresa.

2º) Que se expoña ao público o expediente polo prazo de trinta días hábiles mediante anuncios no taboleiro de edictos do Concello e no BOP, prazo que comezará a contar desde o día seguinte ao da publicación do anuncio no BOP, dentro dos cales os interesados poderán examinar o expediente e presentar as reclamacións que estimen oportunas. No caso de que non se presenten reclamacións entenderase definitivamente adoptado o acordo, ata entón provisional, sen necesidade de acordo plenario, debendo facerse publicación íntegra do texto da modificación aprobada no BOP para a súa entrada en vigor, consonte co disposto no art. 17 do RDL 2/2004, do 5 de marzo, polo que se aproba o texto refundido da Lei reguladora das facendas locais. Tal é a miña proposta non obstante o Pleno previo ditame da Comisión Informativa adoptará o acordo que estime máis pertinente.

Debate: Non se produciu.

Votación e resultado:

Sometida a votación a proposta, dáse o seguinte resultado:

Votos a favor: 13, pertencentes aos grupos municipais do PSG-PSOE (8), PP (3) e BNG (2).

Votos en contra: 0.

Abstencións: 0.

Queda aprobada a proposta nos seus propios termos.

O Sr. Alcalde declara rematado o acto, e a sesión foi levantada sendo as trece horas e corenta minutos, procedéndose a redactar a acta, de todo o cal eu, como secretario, dou fe.

O alcalde

O secretario

Vº e Prace

José Luis García García

Javier Nieves González